

國家圖書館, NATIONAL CENTRAL LIBRARY, TAIWAN, R.O.C.




香港中環山圖書館
SUN YAT - SEN LIBRARY

心遊閣詞集序

予少學詩於湯西涯學詞於沈南淳西涯詩以雄放博麗
為宗南淳詞以刻削雋永為至予於西涯之學未臻其境
而南淳之言嘗三復而不置南淳云詞以南唐晚宋為極
軌至前明而極衰 國朝鉅公輩出力矯前習竹垞自擬
樂笑謂白雲寶集唐宋元之大成故載酒諸集高於眾製
又云迦陵初白清華爽健有竹垞之所不到者特遣聲投
袂妙在諧和三家筆力雖高而準以前賢律令恒多未協
耳予聞是言別有心解口取姜吳蔣史諸家朝摹夕彷彿
無虛日通籍後僦居金臺夜而息蚤而作出而營營入而


國家圖書館, NATIONAL CENTRAL LIBRARY, TAIWAN, R.O.C.



3279685


S 50999

S 00959



惘惘平時閒情麗製短歌長語半消沒于紅埃蓬勃中戊申歸田築室東湖之濱復理故業日與同輩飲紫丁香樹下弄紫簫作自度腔不知世外有紅埃幾許蓋境之移人也如此特苦同調日孤祖秦柳者流于淫靡崇辛蘇者出於狂率二者交譏惟錢唐厲君古情昇采所著秋林琴雅幾與小長蘆相埒此外如晨星落落不可多得已辛巳新秋泛棹柳東泊舟護葭江畔聞江樓咏吟聲悉填詞也叩門訪之主人肅衣冠而揖客為通姓名旋設盃酌談讌閒出所著夢香絮語護葭瓊唱二帙潤古雕今莫不道壯懷惋遠徵南渟之言近合秋林之製若出一轍詞中如東皇

護惜魂蠅亂晴絲暗勒艷冶綺靡之思也幾度弔影孤吟背琉璃一點微茫寂寞之况也青燈映壁淒涼共訴閒情淚蠟黯澹紅燼其音淒以清一滴蟾蜍淚枉平生顛興拜丈呼兄其語爽而健至誦其抱瑟空江之咏老年人不禁喚奈何也蓋其學本姜吳而亦不廢蘇柳是以擅衆長而成獨至抑或散跡湖濱塵務不接雲霞盪其神思山水滌其性天故發為吟咏超遠雋永如此乎酒闌屬予作叙予惟帖括行而經生家墨守訓詁薄詞為小技謂非大雅所尚近以五言八韻試士弁為尙聲律者所鄙棄是以習者寥寥工者益寡浙中惟秋林琴雅與予所著香蘆近咏頗



有會心今得旅獻先生所著鼎足湖濱同調亦不孤矣集中言愁之作十居二三意其所遇亦有不能自默者予交尚淺未悉其隱也異日載酒重來尙一叩之由拳香蘆老人書于心遊閣之東軒時年八十有二叙竟復題水調歌頭以贈之

試擊玉方響按拍譜新詞夜涼深院人靜剝啄出花遲
 淺酌金甌玉液漫炷水沉香縷相賞結相於吟出行波
 句竒采散紛披 旗亭話鈞天夢故鄉思閒愁千種萬
 種都寫入烏絲不數江湖載酒還擬贛洲漁遂風調詎
 差池歌罷發長嘯揮手月明時

心遊閣詞集目

卷一

夢香絮語

蒼梧謠

更漏子

菩薩蠻

憶少年

一萼紅

瑞鶴仙

浣溪紗

桂殿秋

清平樂


點絳脣

倦尋芳

滿江紅

木蘭花慢

高陽臺



女冠子

十首

昭君怨

二首

鬢雲鬆

二首

臨江仙

二首

浣溪紗

又六首

思佳客

二首

金縷曲

二首

催雪

二首

卷二

護霞鮫唱

西子妝

戀繡衾

祝英臺

洞仙歌

江城梅花引

虞美人

徵招

月底脩簫譜

柳枝

二首

祝英臺近

菩薩蠻

風入松

風蝶令

祝英臺

三首

五綵結同心

瑤花

一首

邁陂塘

二首

清平樂

蝶蠻花

夜合花

臺城路

法曲獻仙音

木蘭花慢

木蘭花慢

高易臺


無悶

生查子

壺中天

三首

國家圖書館, NATIONAL CENTRAL LIBRARY, TAIWAN, R.O.C.



桂枝香

探春

木蘭花慢

齊天樂

憶舊遊

國香

渡江雲

一枝春

菩薩蠻

虞美人

釣船笛

生查子

邁陂塘

蘇州怨

卷三

護葭斂唱

交合

浣溪紗

憶舊遊

唐多令

探春

卷四 甘州

綺羅香

聲聲慢

夜行船

鶯啼序

蘭陵王

木蘭花慢

大酺

醉落魄

金縷曲

清平樂

滿江紅

點絳脣


壺中天

聲聲慢

甘州

醉太平

霜葉飛



國家圖書館, NATIONAL CENTRAL LIBRARY, TAIWAN, R.O.C.

長相思

鷓鴣天

月底倚簫譜

八歸

虞美人

解連環

拜星月

一夢紅

菩薩蠻

青玉案

驀山溪

三姝媚

八聲甘州

浣溪紗

洞仙歌

卷四

護霞鮫唱

梁香

瘦涼犯

點絳脣

鬪金門

少年遊

鷓鴣天

闌千萬里心

釣船漾

壺中天

木蘭花慢

金縷曲

採春慢

邁陂塘

清平樂

瑞鶴仙

邁陂塘

思佳客


金縷曲

夏初臨

和作

減字木蘭花

國家圖書館, NATIONAL CENTRAL LIBRARY, TAIWAN, R.O.C.



點絳脣

一剪梅

綺羅香

心遊閣詞目終

心遊閣詞卷一

夢香絮語

青浦王天發毓駿氏填

蒼梧謠

簾隔斷晴絲與暮烟花陰下逗入月纖纖


桂殿秋

清露滴曉風酸銀床菜落伏驚麗夢回酒醒人千里月影
桐枝共一牕

更漏子

帶烏絲冠翠尾人衣縹緲半臂拋細帙拂朱闌微吟盡日
閒 卷羅幃欹繡枕一縷淡芭蕉影涼院靜曉屏空好春

國家圖書館 NATIONAL CENTRAL LIBRARY, TAIWAN, R.O.C.



點絳脣

一剪梅

綺羅香

心遊閣詞目終

心遊閣詞卷一

夢香絮語

青浦王天發毓駿氏填

蒼梧謠

簾隔斷晴絲與暮烟花陰下逗入月纖纖


桂殿秋

清露滴曉風酸銀床菜落伏驚麗夢回酒醒人千里月影
桐枝共一牕

更漏子

帶烏絲冠翠尾人衣縹緲半臂拋細帙拂朱闌微吟盡日
閒 卷羅幃欹繡枕一縷淡芭蕉影涼院靜曉屏空好春

國家圖書館 NATIONAL CENTRAL LIBRARY, TAIWAN, R.O.C.



新夢中

清平樂

薰爐猶爇牕外流桐月金井鴉啼聲乍咽無柰曉寒人別
起來旋整羅衣手持鸞帶依依學縮同心雙結縮時郎
意先知

又

錦筵春夜銀燭光搖地玉頰潮紅香暗惹醉裏留將羅帕
錯教愁損蘭成醒來忘却新盟觸柱空驚寶瑟擁衾何
限銷魂

菩薩蠻

書舲窈窕紋紗綠春波拍拍鴛鴦浴涼月漾若溪溪明夢
轉迷彈碁人已去渺渺圭塘路雨冷黯香魂綠牕燈半
明


又

西風桐葉鳴金井月絲籜散羅幃影半鞞縷金鞵娃童睡
未回一雙飛彩鳳翅展春雲重纔脫繡花裙依稀夢雨
歸

點絳脣

過眠鴛所居

清簟疎簾落花却點楸枰角遊絲碧落布置還參錯
徙郵移行玉子原拈著休商畧閒愁無托一任都輸却



風葉蕭蕭夜燒還泛蓬溪渡隔林機杼彷彿鳴殘雨

可

惜流光只伴黃花住梧桐樹雙飛鳳羽去就渾無據

蓬溪黃花

二水名夾眠鴛所居

未回憶少年

迷離霜月迷離烟靄迷離香徑金鋪正雙掩滿春衫花影

歛步循廊深院靜文牕啟玉蟲初燼風絲掠簷馬却琮

瑋相應

倦尋芳

聞歌感舊時已十一年矣

重過蓬溪聽笙和度曲回憶舊

翠屏倚玉犀盃浮香前度歡宴醉然花枝人在曲廊深院

秋水波回雙鬢側春雲裳卷輕紅見隄分攜悵棲鴛未穩

宿鷺驚喚念花靨隨風飄泊魚咬波沈燕啄塵染別夢

離雲偏是歲華頻換楊柳絲殘空憶往芙蓉霜老羞重看

但攜尊聽清歌一聲淒斷

重游虎邱


蕩蘭舟正雪晴梅放春意動芳洲柳岸停橈琳宮貰酒十

載重上層邱更誰問千年霸骨尋翠隴花草共勾留紅紛

情深英雄運去俯仰悠悠 回省昔時吟侶記煙筇雨屐

選勝探幽事逐峯移情隨水走惆悵歎自登樓算此際雲

巖鶴澗怕精靈有恨夜深遊寄語魚腸在否霜氣橫秋



又 焚故扎藁

檢青箱甚蟲魚堆裏漬墨尚爛斑彩扇羞題王簫倦譜偏
 教流落人間拂題識欲收施展掩鉛淚看了又重看黃土
 休埋碧霄誰寄噓焰親燔 回省更關秉燭幾吟髭撚斷
 字險難安花律頻翻香緘初遞相定還誤輕刪到今日斷
 雲欲化怕怨銜恨結復留殘拚把玉釵斜撥紙冷灰寒
 滿江紅 代友 芝岩與舟婦為俠邪之遊婦卒念之
 不置為賦此闕
 涼月流波挂一葉滄浪夜篷人半醉鴛衾對擁篝火朦朧
 山木有枝歌越曲峽雲帶雨濺輕容似雙鳧相倚睡秋塘
 烟水中 銀潢轉催曉鐘人別後各西東悵遊仙一枕虛


費東風春去漫教縈夢曉夕易長是度孤鴻望瀟湘江上
 數峯青迷舊踪

瑞鶴仙

紺園春弄色漸霽旭晴颺瓊苞烘圻畫樓枕香陌嬾絲鞭
 一縷嘶過遊勒芳心自惜控金鈎空垂簾箔算春睦此際
 穠芳那禁燕捎鶯拍 追憶碧莎洞口紅樹枝邊共傾雲
 液塵緣未息鶴夢冷歎春寂最憐他峽裏相攜借隱長伴
 山青水碧笑罍師浪泛靈槎暮雲頓隔

又

月波溶欲滴正賦客愁聽山易鄰篴簫臺記初集倚青葱



玉樹一枝先識東皇護，惜魂蝶亂晴絲暗，勒任梨花煙靄空濛。忍便暈開春色，踪跡投環密約，索簞慳盟，悞儂昏夕。歲華易擲，情緣冷互，嫌隙算銀床清曉，涼柯憑遍，空感新桐露碧。最難禁、煙鐸風檠，夢回故國。

木蘭花慢

予水郵習懶，何心應酬。庚午四月，有以女郎詩索和者，問其姓名，笑而不答，蓋乞醮者也。和竟戲填。

探囊中彩筆，正吟思怯，鸞箋甚咏絮詩。函簪花字格，雙鯉遙傳，山前澹雲籠月。記飛香漠漠，送歸船。來詩有遊橫雲山探梅絕句云：黃昏澹月，山前路漠漠，飛香入畫船。又遺鈿詩亦工。夢雨長霑，別岫餘情，猶注遺鈿。堪憐倦客，魂牽理殘緒，賦新篇笑和伊。紅葉煩他青鳥。

代認金荃，嬋娟粉評，脂贊誤芳心。知落阿誰邊，孤負循環織手，漫教並貯彤編。

浣溪沙


擬艷 戊午三月，眠鴛以無題詩十二首索和，予近喜填詞，且綺靡之作，于詞較近，填此應命。

桂府仙名號載易，漫憑佳讖築梧岡。春情初識費猜量，澹岩梨花含淺碧，風流楊柳正輕黃。一絲拖逗在鶯簧。

又

學綰同心乍約，盟燒燈過了，近清明。恁時離思已難禁，靜裏暗教搖屈，戍衆中小立，掩圍屏。霎時相見，霎時分

又



別院風光倏又新綠楊初轉一聲鶯驀然人在杏花陰

貌火乍難心漸熱烏絲新拭眼逾青兩情脈脈是知音

二句原本是眉語已通偏暱笑目成翻諱却佯慎因與王
新城眉語似通還暱笑目成難去且徐行相同故易之

又

一片明螺一疊山髻鬢隱隱隔花關歲蕤強啟意闌珊

磨似不磨空岿望見如未見只輕還留真無計去真難

又

驀整花冠下碧除月明依舊掩雙扉庭陰却步又躊躇

開鏡曉眉慵不掃檢箇新咏意原疎匆匆一語可憑麼

又

密諦星期小院深闌干十二一燈明畫簷葉落客心驚

花影淺嫌月影逼笑聲低度珮聲沈夜涼風靜綠楊陰

又

抹麗釵梁壓一枝蘭湯浴罷晚妝遲筵陳瓜果坐庭除

天上佳期憑鵲駕人間好事卜蛛絲網成密識兩心知

又

飛雨絲絲濕酒幣一舸初放夜潮添畫舫並倚意偏忼

戢翼支鴛如有警和聲繡鼻更無嫌任他春枕浪花顛

又

曉戀餘香應不飛無端吹夢上南枝心猿不定惹猜疑



慧眼自分真與偽愧情也覺是耶非忍教獸自抱相思

又

豈是當時嗜好新玉桃風味最宜人迷離往事幾沈吟
十載幽期歸墨果百回歡夢是詩因此情那許便成塵

高陽臺

瀟水宮盤蠻江畫梅憑闌目想心遊景色迷離恍疑身在
南樓輕綵冉冉驚風卷帶亂絲斷續難收殢佳辰燕語鶯
嘯總是閒愁十分春事芳菲處甚梨雲別繞昔夢幽幽
越鳥情悰憐他偏竄炎洲雄蜂雌蜺聯翩舞散飛香幾度
勾留寄歡吟舊雨新盟共賦銷憂

女冠子


牡丹開也晚晴庭院瀟灑幽芳吹到玉闌干畔一片迷離
柔情姚冶銀鈎簾半挂試約舊巢歸燕伴儂閒話便年來
詩懶思怯殘緒猶縈紈帕金猊烟燼蘭缸池問迢迢良
夜再告些時假翠尊重把柰畫舸待發綠波東瀉酒醒明
月下目想玉璫羅襪舞臺歌榭任朝川吟侶躑躅魂長是粉
沾香惹

西子妝

憶妾。代友。去則從他竟去憶則如何不

追悔
語也

弱絮成塵膩香流水零亂芳郊春暮烟江畫梅響初沉趁



輕舸載花先去鶯歌燕舞奈都被東風隔住甚朝來又晴
絲蕩漾粘人如許 心期誤一曲離愁彈入哀箏柱不堪
酒冷燭花搖帶柔情豪氣千縷江郎秀句凝別恨綵毫爭
訴任紛紛笑我閒情一賦

昭君怨

夢

一霎煙迷香染幾度梨濃曉亂抵得十分真箇中情
悵惺忪乍覺鴛枕迷離舊約殘魄未全醒便重尋
戀繡衾
驀然曳袖乘青翰擁香衾同倚畫燒柰飛
言心嬾意消

夢還拘檢踏楊花羞過謝橋


鬢雲鬆

衍仲宜語為詞

夢初回春乍透倦眼微開已近曉粧候乞假鴛幃留滯久
驀下攏瑜欲去仍回首 理鸞篋擡素手纔縮新粧旋揭
宮羅縐兩鬢蟬雲香暗顛擗了重梳一任金釵溜

祝英臺

晚風涼秋又到桐葉颭金井團扇紗裊人倚畫闌冷茫茫
飛夢無憑相思無著展湘簟碧紗懶靜 漫追省芳意欺
艷矜香此際有誰領鳩巧鳩讒誤了蚤春信而今花事闌
珊秋宵寂歷聽更點燈殘月暝



臨江仙 夢後口占

梧桐落盡秋容老
砌蛩做徹愁吟
晚花殘
蝶夢紛紜月斜
燈炮依約漏三更
記得綠牕人別後
劇憐烟散波沉斷
雲何意又重尋
遊絲落絮風卷兩牽情

洞仙歌 擬竹垞

風枝霧淞颭一林寒影
玉手潛移度幽徑
背雲間青雀波
底金鱗雙珮解
三五月圓親訂
含桃鶯乍啄羞澀香吮
宛轉芳津漸圓潤
揮手各分飛
半晌迷離拂簾額
擁爐沉飲偏走折冰條
把儂看渾忘了
花間雀釵鞦髻

又


歌雲舞繡結嬉春芳社
難得相逢上元暇
向飛鶯橋背勒
馬涇邊爭笑語
又早煙竿斜架
九連燈乍燼
驀地星飛
無數蒼龍半空挂
見了便驚迴簾影
迷離重攜手一絲光
射蚤暗向金屏抱香眠
又何事喧迎紫姑消夜

浣溪紗 再擬艷十首存六

白板橋西是妾家
筠屏曲曲藥蘭斜
瑣牕新換舊銀紗
空有燕雛銜舞絮
更無蝴蝶蹴飛花
晚春消息卜琵琶

又

一片桐陰罩綺牕
薰風初拂藕花香
晝長各自費商量
刺繡人慵攜玉軫
彈琴客懶倚鍼箱
不如換却又何妨




犀玉雙斟琥珀光
飲闌花落月昏黃
猊香重炷閉瓊瑤
珠樹半枝巢翡翠
綠荷一葉罩鴛鴦
不應猶道未雙雙
又
桂麝蘭薰共一樓
銀潢低轉月西流
不教並坐敷更籌
掠雨蜻蜓頭半接
墮空鸚鵡足雙鉤
畫屏燈影寫綢繆
又
駱宕春風欲暮時
名園無處不芳菲
津亭東去惹相思
蠟鳳影搖飛夢適
玉蟾光運去情迷
鷓鴣此際不曾啼
又

手卷湘簾送夕陽
水雲渺渺楚天長
晚風兜恨入迴腸
桃乍熟時嫌味酢
蜜從釀後憶花香
不多情事費思量
香市江城梅花引
一絲微雨破春慳
是花間是柳間
柳底黃鸝不任語
問關百遍風光春已去
鶯聲老柳枝垂翠
影殘 影殘 影殘
河干風滿灣水滿
灘過也過也過不盡
堤上金鞍倦眼迷
離青白幾多般
回首清明寒食路
鶯恰恰柳絲絲
淚暗彈

思佳客
一片輕霞一翦風
黃昏人坐桂堂東
沉迷客思隨征雁
牢

小堂詞



落秋懷怯夜蟲
煙淡淡月腫腫無邊幽怨
簾聲中相思
一曲初吹微知隔雲山尙幾重

虞美人

柳絲半裏新烟碧
春思縈如織
輕鷗飛過謝墻東
賺我無端飛夢却匆匆
重來已是朝雲散
十二屏山掩
聲聲杜宇隔林聞
一片晚風絲雨近黃昏

金縷曲

玉峯道上遇舊


香市驚相視
乍匆匆欣逢執手
恍如夢寐天壤王郎初落
魄拚作離巢燕子
記築就詩壇酒壘
裘馬翩翩春嶼過道
旁人爭看雙丸髻
連袂去儘遊戲
鬢毛種種添憔悴又

一番滄桑小却別營花
址流水東西消息斷
容易今朝相對三十載
倏成彈指盃酒郵亭
昵昵語笑羊車入市人如
此江潭柳十圍矣

徵招

四月初一日借友飲馬鞍山址尼巷

驀然全訪崑陽路
琳宮半侵林表
嬈嬈噴爐煙蚤翠
幢移
到梵音何縹緲
聽宣展妙蓮根
竅手捧琅函一時消盡妄
緣多少
商畧禮金仙
前塵事隨例懺除煩惱
歷歷悔嗟
既且寄誠瑤島
曲廊通窈窕
恁消受蘭肴松醪
慈航遠殘
劫難勝判醉鄉遊好
催雪 觀劇遇舊



簫管聲中旌旗影裏人倚舵樓船尾似頭白重逢裏王筵
 底徑欲攜君素手奈鸚鵡前頭驚迴避徘徊芳陌斷魂心
 眼那禁凝睇何意成拋棄念十載相思芳艷流水縱欸
 語深期舊遊誰記畫筵金樞在否是醉眼朦朧親持繫恁
 冷落幕下蘭成空憶昔時情味

月底修簫譜

贈張竿邨納妾時正七夕

碧雲停銀漢繞睂月澹斜照鵲駕橋成畫楫也迎到最憐
 瓜席吟餘鍼樓宴罷儘占得人間新巧黛初掃小試京
 兆家風翠斂九峯曉婉變柔鄉可比醉鄉好佇看葛附枝
 樛星垂光粲識佳信瑞呈萱草

心遊閣詞卷二

護葭漁唱

柳枝

慣逐東風舞翠條燕猜鶯妬不勝嬌風流愛植靈和殿不
 向深宮鬪細腰


又

溪烟渺渺接春雲芳草青青碾畫輪最是河橋雨黯處慣
 翻白眼待行人

蜨戀花

再賦柳

綠轉靈和相見蚤斌媚風流張緒猶年少杏靨桃鬟低映



簫管聲中旌旗影裏人倚舵樓船尾似頭白重逢裏王筵
 底徑欲攜君素手奈鸚鵡前頭驚迴避徘徊芳陌斷魂心
 眼那禁凝睇何意成拋棄念十載相思芳艷流水縱欸
 語深期舊遊誰記畫筵金樞在否是醉眼朦朧親持繫恁
 冷落幕下蘭成空憶昔時情味

月底修簫譜

贈張竿邨納妾時正七夕

碧雲停銀漢繞睂月澹斜照鵲駕橋成畫楫也迎到最憐
 瓜席吟餘鍼樓宴罷儘占得人間新巧黛初掃小試京
 兆家風翠斂九峯曉婉變柔鄉可比醉鄉好佇看葛附枝
 樛星垂光粲識佳信瑞呈萱草

心遊閣詞卷二

護葭漁唱

柳枝

慣逐東風舞翠條燕猜鶯妬不勝嬌風流愛植靈和殿不
 向深宮鬪細腰


又

溪烟渺渺接春雲芳草青青碾畫輪最是河橋雨黯處慣
 翻白眼待行人

蜨戀花

再賦柳

綠轉靈和相見蚤斌媚風流張緒猶年少杏靨桃鬟低映



好鶯黃一縷和春嬾
惆悵河干三月曉
勾引驪駒嘶上
香塵道燕翦鶯梭
芳態少迷離翠色
銜殘照

祝英臺近

綠陰

嬾嬌紅儷粉白芳信
嬾舒眼淺碧輕陰
春事最柔婉翩翩
穉柳烟霏新桐露洗
護裝閣湘簾初卷
歲華換纔見漲
雨迷雲蕭颯又秋半
斷徑空山幾度帶霜
看劇憐鶯占春
風蟬嘶夏雨抱殘葉
啼烏淒斷

夜合花

月季一名勝春一名鬪雪又名瘦客

弱不勝春嬌偏鬪雪
年年占盡流光散
花天女卷舒應費
思量縈倦蝶夢悠揚
返清芬頻宿瑤房
一叢紅白數枝深

淺時映晴牕

蘇英開落山莊任是玉苗珠萼也隔星霜

娉婷瘦影偏他又飾
新粧憐幾度散飛香
鎮長陪春豔秋
芳吟風颯露涼亭
燠館處處傳觴

菩薩蠻


秋海棠。一名八月春

桐陰蕉影秋階綠
一枝澹沲檀心馥
八月又春來
脂痕點碧苔
欹斜縈澀浪
淚拭休惆悵
葉底絮涼蛩滿庭
香月中

臺城路

菜花

雲臺遠戍攜歸後
青青徧裁寒圃
碧箭纔抽翠筐
小摘多少
吳娘耦語扶筇
晚步正閃爍
金英夕陽低度
閑趁游蜂



嚙蟬聲響隔何處
漸漸畦麥乍間又連縣
一片漫天無
路百畝苦侵千株桃
盡記否劉郎重賦風
帘試舞聽暗滴

槽床甕頭春聚轉
憶鄉園錦筵羹玉筋
玉筋魚一名菜花吐

風入松
紫荷。俗呼荷花郎

六郎遺豔簇邨莊
媚影映殘陽平鋪數畝如橫錦
傍菜畦麥隴相望間
我一條紫翠鬪他兩岸青黃
又纖纖偷擷記吳孃
飯餠煮羹香嬉春冶伴
攜壺到坐花茵繡褥傳觴
天半飛霞散彩醉看上下融光

法曲獻仙音
洛陽花

碧架闌風素蕊歛
雨紅蕊數重深淺寄息江南
徙根東洛

鄉名被誰驚喚
正人與花憔悴依依客
牕見慰離黯念


梁園水清泥澹飄泊恨
姚魏又隨蓬轉占籍舊名園
費天女一樣勻染孕子粘枝
勝春去花絮零亂漫凝香抱
影休嘆市朝輕換

風蝶令
畫壁蟾

柱隙曾潛蠶屏間倏走
蟠雕榭翠藻一枝攢斜帶如
錢外繭貼研藥殼比蟾蚌蛻
絲同蠓虻被誰鈎取上風
紈疑似粉墻八足却蹒跚

木蘭花慢
席上分賦玉蘭

是書空木筆被誰洗
蕊痕斑正梅雪初銷
梨雲未醒微破



春怪遙看陳宮寶樹賸流光
爛爍落人間仙客何須種玉
騷人依舊紉蘭 闌珊歲歲雨
漫漫憔悴惜花殘愛此日
暄妍香霏綺席影覆吟壇盤
桓勝流星聚捧瑤卮笑語拂
輕紈未是曉風時候淒淒先
說牢丸

牢丸餅名是日以花
蒸粉作餅名玉蘭酥

祝英臺近

題竹廬圖

冷雲凝輕烟瑣清影遠如許
徑杳苔深飛夢似曾去迷漫
一帶湖山數叢寒玉恍人在
瀟湘別浦 此中趣小構茆
舍三椽枕斷綠陰路不障疎
籬不用短垣護試憑山月橫
琴松風解帶枕秋簟北牕虛
處

又

漁父詞


水邊亭山下館未是醉眠處
枕笠披蓑只合刺船去浮家
楊柳洲邊菰蘆渚畔儘消受
澹烟疎雨 箇中趣舉網捕
得鱸魚野市換邨醪引滿不
辭三斗未堪數醉來順水迴
舸隨風轉棹渾不管淺沙深
浦

又

題陳龍巖艸廬圖小照。龍巖上海敏航人少讀
書好賦詩策春雨樓日夕吟咏其上辛未南巡迎

駕獻詩歸屬東江鄭君畫艸廬圖以
寓志同人爭咏率皆套語予亦題其幀

倚危闌憑曲几盡日話春雨
驀擁駝裝獻賦玉堦去歸來
料理琴書經營茶具結小隱
雲山深處 畫中趣稍稍補
竹添松蘿薜挂巖戶眠鶴堦
前夢醒拍張舞伴伊抱膝微
吟薰香小坐且閒把遂初重
賦



木蘭花慢

題張芋邨竹林跌坐小照

點塵飛不到林壑靜萬綠空正白鶴無聲蒼鱗息影雲水
溶溶丰茸竹深徑杳結跣跌布藁謝遊踪宛轉摩尼百八
妙蓮根緒無窮 宗工講席詩筒甚拋却入山中記葺號
幻花經繙貝葉會印真宗還同鉢衣裘治啟玄關幽撻道
彌通悟後清颺讓讓覺來鳴瀨淙淙

五綵結同心

題葦香邵君巫峯霞綺圖小照係琴秋
王君鋪絨所成

揉條擘縷胃碧黏朱異采別成奇構髣髴驚鴻影買絲意
併謝針神刺繡巫峯各染行雲態算總被一絲縮就依稀
似西施網住載向越來溪口 騷壇羨君擅久賦閑情偏

費經綸巨手石榻拈新稿邀流盼奕罷琴餘時候夜牕思

婦愁成親笑祇貌玉容消瘦應憐此香綃斜展一簇舞裊

歌袖


高陽臺

題張琴邨蕉葉題詩小照

薜磴浮青紋波瀉碧空山澹池無塵茶竈閑攜微涼人坐
雲根蕉陰竹影光凌亂沁心懷雪淨冰清靜悄悄一翦輕
颺一縷詩情 模山範水幽探慣恰折將露葉譜就新吟
倒薤斜書休教誤認零陵思幽調古烟花變便飄來難繼
清音更何人同倚秋空同賦秋聲

瑤花

題陸琴谿荷淨納涼小照



紋疏蔭碧垂柳飄蕭埽炎埃無迹綠雲搖曳紅干柄迤邐
玉闌干側烟裳水珮趁一翦涼颺飛入逗銀屏冉冉清芬
人倚藕香亭北胡床冰簟欹眠愛靜植亭亭夢輕難覺
花光波影交澗養一掬煩襟初滌繞湖詩思更何必雨催
雲黑展生綃倩補新圖重訪雪絲消息

無悶

題于幼梅滌硯圖照

虬鬣翻濤鸞尾嘯風搖蕩盈襟吟思悄玳匣微開尚嫌殘
滓十指虛教如沸奈虎僕毫尖都膠滯清泉一掬剔除餘
垢淺深親試凝睇畫圖裏問消盡瀋痕墨池渾未任錦
鯉重遊吐吞休避此後散花落藻看異采繽紛騰輝起待

鳳輦首探風謠不負這番磨洗

邁陂塘


題鄭東江自摹畫中畫小照

怪無端濃皴澹抹尋常行路頻撫驀然抱影凝情久那竟
自遺芝宇含毫處記照水臨鸞幾度形相汝這回鈎取看
阿睹傳時頰毛添後丰致美無度空山外添種芭蕉幾
樹石床翠落如雨科頭對客攜殘藁依舊緜縑霜素杜陵
句問一意丹青老至還知否君應有語道富貴浮雲不知
許事且領畫中趣

又

題眼醫石翁層山古樹小照

是何人調鉛弄墨圖來芝宇清矯芒屨布襪尋山去不用



TIFFEN Color Control Patches

© The Tiffen Company, 2007

Inches 1 2 3 4 5 6 7 8 9 10 11 12 13 14 15 16 17 18 19 20

Centimetres Blue Cyan Green Yellow Red Magenta White 3/Color Black

藥爐丹竈憑遠眺
陡樹杪翻風勢欲穿山
凹科頭脫帽便橫踞
雲根仰吞嵐碧爽氣入懷抱
松陽派久擅金鑿術
妙斜川歸計何蚤
瓊臺應恨蒙塵翳
那得石稜秋皎
山遊好判謝却塵寰
一意棲雲鳥翠深
徑杳算澗曲尋芝崖陰
采藥千古有同調

生查子

題合卺圖

郎吹碧玉簫
妾唱黃金縷
律呂未全諧
弦索無調處
同拈斑竹支
共訂鴛鴦譜
合還不成刪
爲惜關心句

清平樂

題便面竹林七賢圖

壺中天地別是人間世
三馬同槽春夢裏
飲酒那知許事

冷冷風竹空山醉
鄉日月偏閑阮嘯稽
琴已矣畫圖留付輕紈

壺中天


次俞滌齋卜居心隱漁莊原韻

問君何事惹鬼也
揶揄勒成高隱賴
有買山錢滿橐
預闢閒園一徑霜
寺晨鐘烟燒夜篋
一片聲相應
玉山南嶂清泉白石消
領從此掃盡閑愁
別抽新緒
圖史長依
蘇小展銀屏
拈翠藁
差喜牕明几淨
絕少人過
徧容鷗集
亭好景聯佳咏
長林豐草
恁時方遂
幽興

又

再疊前韻調滌齋

不知真箇竟南邨
卜宅與君偕隱
小築三楹
茆屋矮
誠傷



蔣卿蒿徑擁月眠雲朋松友石脫帽相呼應林廬樂事釣
徒偏欲分領 便是五姓河邊盟鷗有約不放閒鳧拉

北上懷人詩有何
時五世卜樵漁句 煩語白蓮諸社友謝客心何未淨曲港

芙蓉小山叢桂靜聽傳新咏阿戎後至未教敗乃吟興

和邵西樵邨居八咏
珠溪一曲拓東陵舊堰別營花圃分得逋梅陶徑菊栽滿

烟畦雲塢暖日朝薰甘泉晚滴融就春光聚數番風信散

花幾費天女 從此舊雨新知聯吟勝賞合逖誰賓主恰

似玉林茶罷後野菜挑來全煮搗我南游十年浪迹長作

漁樵侶想園圖就不知花釀何處

新齋廷尉有想園
圖見林蕙堂集

黃雪香 黃雪廊

虛廊步轉嬾幾縷氤氳吹來不斷一帶蕭森金粟盈盈堆

遍廣寒分影餘香散暈金波微凝如霰濃薰冠屨淺籠襟

袂涼侵心眼 都說是影娥池畔譜霓裳一曲羽衣初展

何事憑闌不把玉簫偷按杯深漱灑淨香滿但清吟月明


秋半雅懷應是停歌罷舞寄情蕭遠

冷香徑 探春

霽雪封條凍雲護萼芳園花信春蚤溪影橫斜月香浮動

三徑破寒初掃翠羽啁啾夜費幾度行雲先繞扶筇曉踏

蒼苔清露拂衣香裊 何遜詩情未老趁東閣餘閒次第



吟到竹外凝情墻陰覓句呵筆不嫌風峭巡簷相賞罷羣
花夢暖香薰覺漱灑今杯莫待一聲霜曉

木蘭花慢

花韻館

恰垂簷拂檻清露滴曉風懸愛弱幹低亞翩如墜健飄若
翔鴛庭前露晞風靜正春光貽宕午晴天媚態更誰攝取
幽情未許言傳玉扇賦客正留連那忍負華年似西子
嬌顰陽阿妙舞體靜儀閑珊然神光離合費幾回撫彷彿入
瑤編色授復教魂與二生消受諸緣

齊天樂

芝室


陰陰寶樹垂芳檻依稀稀謝家庭堯三秀烟凝七明洞徹

睡光生朱牖客來坐久聽玉屑蘭言誤伊歸候萬慮消融
滿庭香似乍來否絃間紫鸞曲奏怕堵前真箇石華挺
秀宋苑峯邊漢宮祠畔一樣玉凝脂繡稚川仙叟肖菌蠢
離奇五芝圖就分咏銅池奈何詩思瘦

憶舊遊

友研齋

記龍賓十二虎僕三千鎮日隨身斐八紋臆畔甚琉璃小
匣獸締清盟料應靜偏多壽耐久是良朋算師益磨礪交
資攻錯未盡深情追尋思往事悵研山換却海嶽空亭
一滴蟾蜍淚枉平生顛興拜丈呼兄爭似小園佳硯兩美
一時併倩石友添毫烟雲揮灑驚世文



國香 妙菴亭

淺碧方塘結紅衣小隊初試明粧恍疑弄珠微步閒踏波
 光風翦湘雲搖曳澹鱗鱗漁浪吹涼相逢玉壺路挹取清
 芬立盡殘陽小亭顏額就恰紅欄碧檻掩映漁梁月浮
 花氣細縵夜繞羅牕應是心清無睡覺聞來妙處都香凝
 情了無語隔水閒雲渺渺相望

渡江雲 詠雨篷

羅牕掩映處盈盈隔水髣髴短篷遮停橈波浪息古柏蕭
 騷濕翠覆船紗憑闌念往擁吟囊會客長沙還記否畫船
 春水風雨泊天涯休嗟江湖興倦花圃歸耕卷蒲颿不


挂待招得舊盟鷗鷺共宿蘆花晚涼更翦西牕燭話巴山
 雨橫風斜園居好何須泛宅浮家

一枝春 為陸銓成賦一枝樓

徙石移根愛蕭然占得林間清景飛甍跨棟補葺應須柔
 韌烟雲低護算惟有巢居深穩聽鷓鳳玉戛金鏘恍在碧
 梧高頂閒庭晝長久靜一枝聊借處會心長領招攜仙
 侶試訪曼卿豪飲石曼卿飲最豪升木架梯謂之巢飲拈題分韻宛好鳥嚶
 鳴相應憑檻望竹拂孫枝更添嘉蔭時牕外新種竹

菩薩蠻 客廳雨夜回文

瘦魂吟罷聽殘漏殘聽罷吟魂瘦無睡客牕孤孤牕客



睡無雨涼鳴夜午夜鳴涼雨深院一鏡青青鏡一院
深

又 漕溪春泛

曲江晴繞春莎綠綠莎春繞晴江曲流水漾輕鷗鷗輕漾
水流 遠山青點點青山遠風峭掠飛篷飛掠峭
風

虞美人 題夢香絮語舊稿

蠅頭小字曾題徧往事多恩怨一篇一度思華年掩卷魂
銷無語只凄然 批風抹月真何意誤却當時事艷情依
約半空言薄福消除已了一生緣

釣船笛

予驢僑聲有年所矣寥寂之况謬妄之思輒賦一解祇以自遣不更示人也乙亥丙子之間歲值大祲連遭母兄之喪心弊神傷輟焉不講者三年于茲矣戊寅春仲西樵邵兄以邨居八咏索和故態復萌填壺中天等八闋殊苦艱澀不復成語四峯字東陸君聞更贊嘆可愧亦可憐矣賦此調以誌然亦不以示邵陸二君也


題徧浣花賸洽思旅情稠疊半是瘦文調語更阿誰知得
偶書舞葉叩山扁調苦耿相憶試弄玉梅花曲探四峯

消息

生查子

漁樂圖

一帶曲籬笆涼網花陰往辜負客尋來粲粲沿波去酒
熟煮籠香兩兩漁舸聚醉臥綠楊陰不覺涼蟾午



邁陂塘

自題詞集

甚淒涼一枝賦筆鬢絲催染千縷人生愁恨原難免何事傷心無數閒夢苦似秋蟀春鷓逐候悲離緒紅牙漫撫把三泖愁煙九峯涼月收入篷漁譜當年事多少燕朋鶯侶無愁舊曲同度浮雲流水東西遊吟徧驚篷飛絮腸斷處賸蠹簡塵箋半是銷魂句而今漫與試酒畔題花琴邊賦葉聊遣此情去

心遊閣詞卷三

護葭漁唱


浣溪紗

賦

丁丑三月重過里門飲俞滌齋人境廬醉中

儂是婁江舊酒徒逢人索飲已顏酡那知人世足風波譜得芝圖和木序消他酒債與詩逋料應無奈此僮何憶舊遊

記秋風放櫂夜月攜壺欵語湖邊一葉夷猶興又飄然重到處士山前放鶴種梅何處回首總堪憐恨列剝叢祠繚朱縈碧換却山川當年帶人處是風鐸郎當仰聽夷然漫拂鴛鴦硯譜一時景色兩岫雲連人事幾回聚散佳約



邁陂塘

自題詞集

甚淒涼一枝賦筆鬢絲催染千縷人生愁恨原難免何事
傷心無數閒夢苦似秋蟀春鷓逐候悲離緒紅牙漫撫把
三泖愁煙九峯涼月收入篋漁譜當年事多少燕朋鶯
侶無愁舊曲同度浮雲流水東西遊吟徧鷺篷飛絮腸斷
處賸蠹簡塵箋半是銷魂句而今漫與試酒畔題花琴邊
賦葉聊遣此情去

心遊閣詞卷三

護葭漁唱


浣溪紗

丁丑三月重過里門飲俞滌齋人境廬醉中

儂是婁江舊酒徒逢人索飲已顏酡那知人世足風波
譜得芝圖和木序消他酒債與詩逋料應無奈此僮何

憶舊遊

記秋風放櫂夜月攜壺欵語湖邊一葉夷猶興又飄然重
到處士山前放鶴種梅何處回首總堪憐恨列剝叢祠繚
朱縈碧換却山川當年帶人處是風鐸郎當仰聽夷然
漫拂鴛鴦硯譜一時景色兩岫雲連人事幾回聚散佳約



未曾圓待得再來時舊鷗未必隨釣船

唐多令 題畫

雲散淨無塵天青雁幾羣蕩蘭橈客渡前津楊柳西風應
有恨伴蘆葉戰秋聲紺字隔江心林深煙更深聽塔鈴
空外遺音馱坐船頭收釣緝有明月罷登臨

探春 聞鴉

山館雲開江樓煙斂霽色半銷林浴珠箔生香晶簾散彩
柳影花枝風煖聽燕聽鶯語漸聽到亂鴉啼繞縱教酒醺
冥迷那禁夢回清曉一片閒愁漸杳甚暗觸天涯年時
懷抱隱約琴心低徊錦字未許蛺蝶知道迢遞東岡路又


無奈擷芳人到空怨玄鳥夜寒聲徹樹杪

甘州

抱枯桐蕭瑟對空江調苦向誰彈但支床臥語書空作字
劒冷頻看聚鐵六州難鑄羞澀况囊慳司馬青衫淚依舊
沈瀾 不恨斂篋樵笠恨稻梁未穩烟冷雲寒惹鷗猜鶯
忌分占白蘋灣想桃源路通塵世漸風流不似晉時聞車
中嘆橫流滄海處處難安

綺羅香 病中

遠岫青融疎林香澹景物漸催春暮簾揭餘寒猶擁隔紗
牕戶正無賴倦客心情又怎禁病懷悽楚算而今賸有微



吟依稀不到謝池去 非干衰夢易覺試念離渠失水近
依園圃滯穗浮菰翻被雁羣占取挂疊繳蘆荻羞銜養鍛
翻稻梁空貯誤吾儂滿目間愁越吟聲歎苦

聲聲慢 賞花懷昔遊

落英點砌芳草侵階一庭風景佳時淺拓文紗輕陰潤逼
簾衣殘香賸粉換却洗青林曉雨離離花更好又繞闌紅
藥壓架茶蘼 對景羈懷多感記夜遊秉燭滿捧金卮炊
黍光陰紛紜世故如斯天涯故人漸遠撫踈桐露濯新枝
空懷念甚春來和夢也迷


夜行船

夜砧淒清寒擁絮娘無睡心香一縷蛩絕餘音鴈沉去影
寂歷江樓如許 露殿寒塘涼月午帶吳歛船娘鳴艫燈
半昏時夢初來處枕畔一聲低去

鶯啼序

甲戌春仲書扇寄滌齋

東風似憐別緒卷層霄霧影漾晨旭千里空明極目關山
一瞬想人在香簾絮幕烟槽雨幔參差認念羈懷留滯行
踪又還無定 溟記當年隱几握麈對芳辰美景擁征袂
放鶴亭邊六橋爭構佳咏步長堤荷衣露濕倚闌聽鳴鶉
清磬狎輕鷗重締新盟鷺眠誰省 鷓巢艱脆雁糈荒唐
澗濱寄小隱別後訪故園花信舊雨零亂曉怨鶯驚幾番



春冷蘭舟再解藤扉重啟牕綃窈窕傾尊酒悵愁深酒淺
愁旋醒青燈映壁淒涼共訴閒情淚蠟黯澹紅燼無端
聚散天涯飄泊歎雪華染鬢暗檢點西谿林麓密約粘絲
北郭圖書好懷浮梗臨岐軟語頻縈魂夢晴江魚浪桃花
暖奈歸舟不放蒲帆趁離襟唵付輕紈且待秋宵試尋蔣
經


蘭陵王 甲戌三月十二日作

倚江閣一片雲山漠漠東風軟勾引閒愁帶雨和烟入簾
幙低徊漫商略廿載情形似昨尋芳晚玉樹翠迷誤我揚
州舊盟約年華漸蕭索歎白氎輕衫恨染睂角幾番花

信封家惡看一燈風閃四簷霜慘殘緒彌留意暗託兩無
語寥寞猜度淚還落聽嘯月曉烟尙繞林薄流鶯已負
當時諾便薄倖都在又傷飄泊凭闌屈指念往事奈屢錯
木蘭花慢 鬼嘯

閃一燈如豆暗風斂戛然鳴宛木魅啼烟山魑嘯雨薜荔
墻陰淒清蝟肌粟聚似寒冰澆背陡生驚便擁衾窩睡也
枕邊怯數聲聲還聽默計生平是甚事却關卿歎弱骨
伶俜空囊羞澀作底支撐多因夜臺遺恨躡輕風隨權度
春城不寐難教入夢長嗒怕識愁徵

大酺 甲戌三月陰雨浹旬放舟遊杭者日數十不止
撫今念昔再賦此解



任曉烟凝春霖灑畫橈銜尾相續飛廬橫彩旆載旃檀一
舸卸颿松木鷺嶺烟霞蘓堤鶯燕春滿六橋三竺亭臺留
題處問何人解和怨吟哀曲念山徑泉聲塔鈴音語恍然
心目年華何去速一枝又巢隱成幽獸便縱有尋山謝
屐問津仙舸雲水散更誰徵逐雨黯簾櫳靜眠又醒簷鬢
鳴濕踏青侶妨游躅夢趁蘭槳蕩漾湖波如縠共看萬峰
翠沐

醉落魄

棟花風溼催耕樓外啼聲急憑闌人倦拋殘帙一片黃雲
轉眼成新碧秧塍滿泛盃中物青禾指日垂秋粒回頭

笑語書樓客且擲毛錐伴我荷篋笠


金縷曲

懷青上時在亳州文幕

遙指盟鷗語問當年滄江風色近來何許見說稻梁謀孔
亟雁影低徊北去歎千里沉迷文幕曾記空山猿鶴怨甚
嘯啼也向他山住竟拋却舊儔侶男兒慣被功名誤恁
今番不爲功名又傷羈旅蝸角蠅頭爭薄俸已是冷曹冰
署孤館寄蠅鬚小駐涸轍蕭條憐斗水水潛消到底成枯
鮒空贏得夢魂苦

清平樂

琅玕千箇醉拂清陰卧澹月穿牕窺夢破強起倚闌間坐



洽洽風竹簷間翠光涼逼衣單可惜行雲纔到桃花流水空山

滿江紅 訪心隱漁莊與蔚邨農夜話

一曲瀾漕揚颿指招堤小邱淪漪動莫教驚起宿鷺眠鷗
流水澹涵高士宅片雲飛送玉山秋望蒹葭深處且圓橈
停釣舟 蒼雪舞三徑幽松濤響試句留恰相逢一笑采
菊籬頭揭幌風微茶焰碧窺簾月白酒香浮漫銜卮怕說
是當年疑舊愁

點絳脣 人境廬聯句二首

城市喧囂小園近關城西道 竹深對窈月澹蓬壺曉

商略平生一種愁難掃 幽居好南牕寄傲帶酒臨風

嘯發


有客攜壺澱山湖畔斂樵侶 矮牕燭午來說巴山雨

故院風光悔煞匆匆去 休追遡放盃閒步一徑松風

度 錦

壺中天 戊寅仲夏三日 飲滌齋人境廬用黃叔易自
題玉林韻

疎籬旋繞愛寬閒十畝龍蔥庭宇手縛香茆聊葺補雲影
一池當戶冒雨栽荷課晴插竹雅擅幽居趣甌儲新釀傍
他青杏親煮 堪羨蔣徑賓朋卜隣依里偃仰閒雲塢栗
里清詞書滿壁羸淥墨花狂舞榻我來遊談詩說劍屈作



居停主夷猶短棹明朝欲放何處

壺中天

是日午後晚青招飲水鑿齋同滌齋賦疊前韻

昔騰纜覺又一樽相約隔花檐宇淺碧春塘苔印屐脩竹
長松蔭戶背手巡廊聽巾繞徑別有幽深趣滿甌香雨課
童埽籜親煮羹謾道二仲居隣芳園綺構遮隔雲歸鳩尙
有清陰三四畝蒼雪紛紛欲舞刻竹清吟評花小飲雞黍
堪為主酒懷頽放明朝又向何處

聲聲慢

代憶盟鷗舫

繡衾虛擁翠蓋空張夕陽芳望江壩拾羽探珠凌波難渡
前川漫乘珂峩大編怕聞鷗羞攪清眠聲漸杳聽吳歛越

曲別是遊船 猶記蘭橈徐舉蕩晴漪一曲覓藕尋蓮虛

擲無端恁教綵纜重緯五湖試招舊隱泛仙槎知待何年
爭得似珠還浦同叩畫舷


甘州

代憶心隱漁莊

繞瀾漕一水碧灣環漁隱最深深對玉山清峭池蓮粉澹
巖桂香凝簾卷小亭虛檻風竹自泠泠半載相依處倦羽
難尋 誰料歌殘黃鳥望岡邊烏石勢險凌雲嘆客踪孤
寄脫屣謝塵氛愛此廬清池翠竹好亭臺輕付與閒人
涼月夜深爲我還照園林

醉太平

戲贈蓉莊



那邊者邊情縈夢牽花道漁計詩緣集紛紛一圍 書顯

酒顛衛弁幕員雲間山左琴川列翩翩四筵

霜葉飛 弔鶴市田莊○莊係子往來居停之暇後易

他姓重過其處黯然賦此

故園飄渺遊踪駐茅屋不嫌衰草秋深次第采黃花向疎

籬潛繞尚記得相依昏曉客中幽况棲遲好傍荻簾燈影

慣欵語閒情一杯聊共歡笑 誰料小劫滄桑香茆翠竹

一時都付殘照海翁招去舊沙鷗怕清盟漸杳更別占漁

磯多少鳧雛愁夢空驚覺待重喚清魂醒訴與淒涼也應

長相思

風無情雨無情落絮摧花卷復停春由他送迎 杜鵑聲

鵑鵑聲惟有黃鸝不肯鳴恁將佞舌伸 益豈對人欲幾

太平鵑鵑天 已卯清明看燈夜遊之作

巷陌風光絕可憐千枝絳蠟火齊難入來水市山郵外春

在歌雲舞繡邊 光瀲灩影輝媚桃花柳綫簇燈懸誰將


元夜魚龍戲消遣清明二月天

又天市賣

十里飛香接紫烟村巫社覲走神弦燈搖星影臨朱戶旗

拂虹光貫彩簾 春正好夜如年三生誰識杜樊川笙歌

散後遊情倦醉踏天街月正圓



月底脩簫譜 十一夜看燈

濕歌塵飄舞扇纔雨便新霽一片笙簫隱約綵雲裏翩翩
爽道珠簾一鞭寶騎交光映猩羅鷓翠擁吟袂扶醉趁
燭隨光天市漫遊戲黃帽新辭燈謎費猜擬歸來衣染龍
香袖攜兔穎聽謠漏沉花底

八歸 雨中舟過機山

蒲帆挂雨蘭舟衝曉遙望九峯如髻篙師背指烟橫處云
是平原內史此中藏峴戢翼江潭思奮迅誤北去鸞龍聯
轡竟棄却岫幌雲屏猿鶴怨空翠青蓋還憐入洛辨亡
遺恨偏戀新朝金紫河橋兵敗夢徵車慢腸斷華亭清淚

想季鷹歸後鱸羹蕤香正風起空羸我倚篷閒擬回首青
濛餘情縈谷水


虞美人 松江訪張廷珊不得調同行者

遙看九點輕烟溼一棹春流急松江蟹舍已微茫况是斜
風細雨不歸航金沙灘似藍橋隔花落迷行跡玉杵漫
擬搗玄霜須識雲英何處有瓊漿

解連環 已卯初夏借蓉庄過南蜚齋看芍藥蓉庄云

看花飲酒固屬韻事近人飲酒而已看花不
過假以名色取以此花
殊盛泛無有過而問者

問春何許任梁園景色子規催去駐迅影賸有餘容笑諠
贈何曾石闌深護焯約仙姿也占斷清和時序記劉郎那



日品艷評香細添花譜
楊州舊盟夢阻自籬根散魄寂
寞誰訴聽隔院褰屐追陪倚月檻飛觥醉吟酣舞獸抱清
愁正寄跡蒼涼庭宇謾贏我蘭舟將解更邀一顧

拜星月

宿芙蓉庄望琉璃燈不寐

鵲勒行踪鶯翻伎舌客裏驚聽腸斷蹶躡鄉關似天涯遊
倦漫相訪舊日空山猿鶴譁語縷縷綈袍猶戀杯罍重攜
帳情深酒淺甚今宵寄宿芙蓉館清無寐伏枕魂銷黯
幾度弔影孤吟背琉璃一點帶簷颺恨閃缸花眩添銀漏
淚溢催虬箭恁夜來寸心頭疊千愁百感

一萼紅


代蓉庄贈寄之作并序。予與旅鮒先生交
有年矣前曾為硬撰生傳亦以移居後別

久會稀故摹其性情意氣使之日在目前耳
今春三月積雨連旬有客叩關談鄙事語刺
刺不休恨無縮地術頃刻招徠運廣長舌助
我使酒罵座也雨霽客退新月皎然遙望珠
溪不勝馳企但裁歉家貧未審近履何似填
此以寄之

望珠溪正踈篁繚繞老屋晚晴初習習春風溶溶夜月未
審飲興何如應吟就幾篇詩吟又還問填就幾篇詞瓶罄
蕭條囊空羞澀作底支持却怪炎涼成習笑干卿甚事
使酒歌呼直便傷屯險應破膽矢口真箇豪麤縱不向齊
門抱瑟也何妨彈鋏賦歸歎忍教斯人白頭終老江湖

菩薩蠻

斜易澹壓弇山麓傷心一帶平蕪綠燕子不歸來小庭花



自開 脩廊空竚立 獸步蒼苔溼 翹首送流雲 和風自在行

青玉案

廿年來往弇山道 帶愁去 和愁到 多少間愁未了 酒懷
詩思機心 佞舌 半被愁磨耗 愁根憑藉 秋風掃愁鬢 翻
催秋又老 把酒祛愁 愁更纏舊愁 依約新愁 重疊誰解愁
懷抱

驀山溪

憶流澌 潭白蓮。潭在蓉庄之左 春未潭涸 主人課僕擔水灌注 誠知花時未必來 賞以白蓮 故意亦助之 今屆花期 無端感憶 為填此闕

碧池清淺 羞溼凌波步 晨起課獠奴 抱甕汲冰泉 竇注晴

漪蕩漾 綠葉正田田 攀翠蕊 刈青莎 親識栽培苦 歸飛

倦鳥有約 還拋汝回首 玉蓮香 應占斷 板橋西路 南薰信

至夢訪却無 憑風靜後月 明初曾有人 憐否


三姝媚

歲暮歸漕溪

空江飛畫鷁 正霜颺 淒淒曉寒 欺客漏點 雞聲又經過 何
處倦郵荒驛 篝火朦朧 殘夢閃恁時 遊歷總是飄零 一度
追思一番悲感 幾度推篷 眺望嘆城郭 依然風光 非昔
碎恨零愁 算賦情除有吐華詞 筆蓬髻 飄蕭問長大兒童
誰識 鼓柁重尋 曉鶴夜猿消息


八聲甘州

代贈退將



竹閒園嘯咏久不問主人何處
 數竿移上番驀遇春霆
 拔地千霄拂千縷蒲院綠飄蕭
 障暑驅裨枕湘簟清風徐
 度更歲歲籜龍長孫枝也抵得
 紛紛渭川湘浦

記雕弧挽手箭橫腰獵騎競相邀
 正杜陵雪暗灞橋日暮
 醉射盤鵬勒馬回頭笑指飛血灑
 風毛列炬千羣擁帳飲
 葡萄老去酒徒零落且歸耕谷口
 混迹斂樵看綠沉苔
 卧壁影閃弓刀便猿等恨空伏虎
 功名事都讓與兒曹翻
 貝葉茶烟榻畔雙鬢蕭蕭
 浣溪紗 辛巳早春望北讓友
 籬鼓蓼蓼節候催月明無奈棹船回
 鄉心繚繞小園梅
 芳艸又隨春意綠好懷常向酒中開
 爲君扶醉上崔嵬
 洞仙歌 種竹
 半生竹僻悵買栽無取空向疎齋想
 烟雨記當年舊事看



昔夢依依可憐浪踏巫山道雨雲繚繞虛費春多少 踴
髮踞几惹暗惱

點絳脣

有友善夢時作高唐之遊婚後夢已賦以謂
之。代

甚而今尙教負了目想芳園輸鷗夢餘閑又到怕逢他散
日斷魂繞 旅枕思追憶裏野春空湘江香杏情緣落寶
人懷抱驚颺天嬈滅蜨俸蜂燿多少掩疎寮書空咄咄盡
投林倦鳥危巢定凝塵半榻初歸雲程有信機心未淨繫
蕪湖寓齋默坐有感


護葭斂唱

淒涼犯

蕪湖寓齋默坐有感

心遊閣詞卷四

[Faint bleed-through text from the reverse side of the page]




昔夢依依可憐浪踏巫山道雨雲繚繞虛費春多少 踴
 髮踞几惹暗惱
 點絳唇 有友善夢時作高唐之遊婚後夢已賦以謂之代

甚而今尙教負了日想芳園輸鷗夢餘閑又到怕逢他散
 日斷魂繞 旅枕思追憶裏野春空湘江香杏情緣落實
 人懷抱驚颺天嬈滅蜨俸蜂燿多少掩疎寮書空咄咄盡
 投林倦鳥危巢定凝塵半榻初掃雲程有信機心未淨繫

淒涼犯 蕪湖寓齋默坐有感

心遊閣詞卷四
 護葭斂唱

[Faint bleed-through text from the reverse side of the page, including characters like 蕪湖寓齋默坐有感]



鳳駝鷺一曲簫聲好銀釭照羅幃雙笑不放魂顛倒

謁金門

辛巳九月八日留宿蓉庄時芙蓉初花

停畫艦雨霽秋林烟歛風約嬌蓉和葉閃隔池三四點

碧曦一尊初勸已覺酒濕人澹秋水晚霞漸艷奈何詩

思減

少年遊

初九日看花之作

婁東舊隱城西小築動即到君家夾道松篁遠池楊柳掩

映水邊霞往來無限悲秋意分付隔堤花酒思闌珊詩

懷索寞何計可消他

鵬鴣天

十一日賦

水蒲池塘柳拂籬木芙蓉發遠長堤風流全在初易候姚

冶尤宜沐露時香靄散盼靈旗花間合築石仙祠倚觴

若唱迎秋曲學琢宮商奉祝釐

闌千萬里心

十二蓉庄小紅橋步月

灣環小徑接紅橋踏月重來泊未銷別淚多隨秋露飄夜

迢迢又聽疎砧帶恨敲


釣船遠

芙蓉盛放歸思忽興重過花間賦詞而別

花意故撩人簸弄十分秋色不管匆匆歸思簇吟壇離席

水天上下鬪芳菲紅影閃晴碧一片晚風有約索重來

消息盡中天



壺中天

題古檀廖明府賞菊圖

珠簾高揭正離離秋影飛上牕紗小部新聲初演就聯翩
競攬箏琶嚶嚶清歌僊僊妙舞相賞酌流霞弦停遊散吮
毫自寫霜葩堪羨湘秋風流菊屏環擁詩酒樂無涯慚
愧詞壇空掉鞅平生此興非賒容我來遊泥他薄醉髻壓
帽簷斜勝教展卷品題虛負黃花

木蘭花慢

題廖古檀素心蘭圖


展香綃幾幅正碧箭挺雙擎記海嶠春生湘嵐烟暖帶葉
移莖晶瑩靜看一點洗鉛華端不受塵凝似與歌醒人對
素心堪證堪盟惺惺金屋銀屏伴幽夢入清冷柰一刹

時光霜鬢雪膚玉殞珠零冥冥斷魂未遠攝芳踪遺影付
丹青羸淅風流仙令依依重認前生

金縷曲

西樵洞庭阻風賦詩見懷末云宮羽品評推
賦此以誌
賦此以誌

飄泊天南久擘蠶牋憐子逸添慰子孱守須信才人多薄
命異數迭來何有小艷羨清平三首借助十分尊酒力祇
壓他婦寺爭奔走豔橫氣出金斗豔微生更在千年後歷
滄桑伊涼換譜凌雲罷奏重唱江南腸斷句空賺知音良
友悔不把裏蹠儲就圭組迄今循例得料佳人心亦傾銅
臭更何必託詩酒



吳真探春慢

辛巳大水物價騰踊冬日假館赴婁江市古貝以為婦子紡織之助賦以自嘲

山遠晴初林寒霜旦鴉陣雁繩接翼暫解回繞重來故國
不厭此時行役挈伴登岡壟已蚤有板橋人跡笑儲數載
脯脩充作片時估客 擗擋幾回未畢問因甚阮郎猶蠟
遊展駟馬高車玉顏金屋都向箇中尋覓比戶營什一也
例逐錐刀微息勝伴書蟬消領饑驅凍逼
邁陂塘 題朱岡西照。照在樓中選文樓前有杏花一株蜚燕數雙
拂花梢周遮燕語泥香時墮簾額盈箱充棟書千卷踞几閑
捺不律量玉尺計月盡珠來句好知無敵手刪目輯便價
重雞林聲高藝苑膏馥儘霑益 婁中士才藻聯翩稱十


選評歛手推一 婁中十子君居其一 小身幻作樓中客猶
戀殘編零帙知甚日也著我同拈三品金銀筆鉛黃甲乙
把日莫江東天春渭北雲樹共商隲

清平樂 春雨

殘簫倦鼓斷送遊人去春盡天桃紅未吐何有鶯歌燕舞
去年烟月逢迎今年雨雪飄零寒勒江南山色朝來不
放青青

瑞鶴仙 壬午三月賦送邵西樵重赴楚幕

柳條今賸幾又輕颺吹拂尋春詩思江流正如駛趁凌波
飛鷁揚颿西指聯翩從騎聽爭說江南佳麗忍匆匆背却



吳山歷遍湘烟楚水 遙擬五峯瀑布九疊芙蓉去程猶
識洞庭舟艤應重續舊遊記待蓮花幕裏虛床下了回省
蘊鱸故里恁相忘話雨篷邊抱琴客跋

邁陂塘 送春。以二月十二日春盡感賦


聽風箏扶搖天半聲聲雲外如訴碧霄四見團圓月底事
遲留不去春已暮甚還戀殘山剩水閑歌舞怨春無語算
塞北江南花憔悴誰識斷魂苦 雕簷外幾度落花飛
絮留春小令曾賦那堪冰雪侵凌久更挾顛風盲雨唬杜
宇伴雲木鉤輞叫徹吳中路商量去住莫更望斜曷餘寒
猶勒紅瘦綠肥處

思佳客 有寄

惆悵東皇不自由任他雲駐任風流桃綠紅嫩先會笑柳
爲絲多易惹愁 春悄悄思悠悠柔情無著可憐休瑤姬
魂擾襄王醒猶俟巫易作約遊

金縷曲 潘母葉太孺人節孝詞

痛矣雙鸞折記當年形存志殞餐冰茹蘗不惜捐軀拚引
決回首孤孩坐側曩堂上鬢絲盈櫛斯夕感勲調甘旨更
九熊勸菽親扶掖顛顛甚悲何極 承先啟後延餘息又
紛紛遺姑姊妹鏡奩整飭廿載辛劬應不負彤史書成奕
奕便泛此湖山增色塵世鬚眉偏潦倒挽頰綱翻似憑巾



幙欽闔範頌名德

夏初臨 荷包牡丹

緘露低垂含風斜挂枝頭小
朵輕盈按譜遲回美他綠葉
扶成羅囊蜜綴初擎便博將
富貴虛名朝酣未醒闌干顛
凭拂珮拖纓年來逸事到處
相攜逢人投贈徧繫黃鞵
花王解意幻教寫物模形特
寄無憑動人憐別貯微情問
娉婷東風有因籍表深盟

和作

沈 曙 幽頌

借鼠姑銜紉靈妃佩倚風斜
拂盈盈仙島移來那消金
剪裁成聯翩帶雨低擎筭羣
芳難並佳名沉香亭北王

闌干外疑絡疑纓可憐此際
惆悵春歸相思無著瘦


減腰鞵羅囊贏得費他天女
描形寄語難憑料鍼神瞥
見含情影娉娉緘愁貯恨似
訴同盟

減字木蘭花 夜飲紫藤花下
達旦賦

竹垣藤架四角懸燈光不夜
酒帶花留月落參橫飲未休
曉寒人倦旭日瞳矐蜂蜨亂
露壘烟窩獵得幽香何處
多

點絳脣

薄醉孤吟倦遊人挂征帆去
綠波南浦欸乃鳴柔櫓 柏
柏沙鷗驚斷新成句休重賦
閑情一縷依依約芙蓉渚



綺羅香

納涼。改舊作

浴罷翻慵眠餘乍醒人倚水亭闌檻蕉影荷薰怯試練裳
紈扇颺暗葉絡緯蕭蕭暎疎花飛螢點點甚無端倦曉迷
離晚風吹逗舊懷感新涼猶記生砌卧看雙星隱隱銀
潢清淺賚盒遺鈿解手玉柔香軟桃簟滑銀蠟嫌明桂窠
虛碧懶潛捲悵流光浪擲年年撫時芳思遠


一前梅

秋聲

露莽烟條乍作聲厭聽蟬聲怯聽蛩聲那堪風雨弄秋聲
怯聽松聲懶聽桐聲何處飄來雲外聲驚聽烏聲怨聽
鴻聲無端又送幾多聲悔聽砧聲悟聽鐘聲

心遊閣詞跋


庚辰秋杪習靜菴庄賦詩得句云荒園人病酒孤冢鬼吟
秋先生謂儂何所愁苦賦詩作此等語儂不解先生何所
愁苦而填詞作此等語也乙亥丙子間避迹鹿城山莊有
終焉之志未幾以故舍去懷中作惡無可告訴嘔血數
升增滯發洩負酒使氣謾罵坐客東海徐君跋儂蓬牕烟
雨舊額有殆以怨毒怡其性情者句先生詫嘆謂奇句足
達奇情儂又不解先生是何奇情而作如許奇句也先生
平昔填詞秘不示人儂交最深十纔見其三四不知此外
其語言結轆又當何如先生境遇勝儂倍筵特以氣逸志



傲無所表見故發爲詞章幽憶怨亂過爲危苦與儂性剛
才拙賦咏如候蟲秋蟀者不同每見儂作輒云友戒狂悖
亦忌迂拙蓋儂不習時調不囿古格觸興而發興盡而止
漫不自省狂悖或免而迂拙毋乃日甚儂又不解先生幽
憶怨亂過爲危苦與不習時調不囿古格者其迂其拙又
當何如至言情之作辭雅而意褻爲韓冬郎李玉溪所未
及不惟迂拙幾於狂悖矣特與近人所謂狂悖者不同耳
儂意不作可也先生填詞頗夥今春繕寫成帙未嘗乞人
作叙亦無爲之作叙者儂又不善作叙記文字其帙適在
儂所爲跋數語於上若求語言文字之工而略激賞勵勉

之意則慎矣

乾隆辛巳三月芙蓉莊主俞錦書于話雨山牕



香港中山圖書館
SUN YAT - SEN LIBRARY

大意與前矣

辛巳三月某日



心經

國家圖書館, NATIONAL CENTRAL LIBRARY, TAIWAN, R.O.C.

950990

